



Stine Egede  
Inuit Ataqtigiit sinnerlugit Inatsisartuni ilaasortaq

### § 37 nr. 6/2019 apeqquteqaammut akissut

21-01-2019  
Sags nr. 2019 - 670  
Akt nr. 9840023

1. **Kalaallit Peqqissartut illuanni aningaasat 400.000 koruunit kalaaliminernut atorneqartussatut Aningaasanut Inatsimmi takuneqarsinnaavoq, aningaasat taakku tamakkerlutik atorneqartarpat?**

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

**Akissut:**

Napparsimasut nunatsinniit pisanik nerisaqarnissaat qulakkeerniarlugu aningaasaliissutit tamarmik siunertamut atorneqartarput.

2. **Qallunaaminersiniarnermut aningaasat immikkut takuneqarsinnaappat ?**

**Akissut:**

Immikkut takuneqarsinnaaniassammata nioqqutissat immikkut naatsorsorneqartarput.

3. **Qanoq akulikitsigisumik kalaaliminertortarpat ?**

**Akissut:**

Nunatsinni pisat kissartut (neqit aalisakkallu) agguaqatigiissillugu sapaatip akunneranut marloriaq pingasoriarluunniit sassaalliutigineqartarput. Taassuma saniatigut panertut qallersukkallu sapaatip akunneranut marloriaq sassaalliutigineqartarlutik.

4. **Kalaallit nerisassaatsinnik igasinnaasunik sulisoqarpa ?**

**Akissut:**

Igaffimmi sulisut nerisassiortutut tamarmik ilinniagaqartut kalaaliminernik qallunaaminernillu tamatigoortunik, naleqqussakkanik allanngorartunillu napparsimasut ukiuannik nappaataaniillu pisariaqartitaat assigiinngitsut eqqarsaatigalugit nerisassiortarput. Taakku saniatigut peqqissartut nerisassaataat piareersarneqartarput, assersuutigalugu najugaqartut annikitsumik nerisussat, nerinissamut pisariaqartitaat uninnganerminni annertuumik allanngortarmata, nerisat pillugit ataavartumik oqaloqatigineqartarput.

Peqqissartut angerlarsimaffiat napparsimasut nerisassat sungiusimasaat kajungerisaallu tunniunneqarniassammata pisariaqartitaat akuersaarniassallugit piareersimasarpoq. Kalaaliminernik sanasoqarniaraangat igaffimmi sulisut najugaqartut apersortarpaat isumassarsiorfiginiarlugit akuutissanullu kissaataat paasiniallugu. Najugaqartut Kalalallit Nunaaniit tamanit aggersuupput – taamaattumillu najugaqartut ataasiakkaat, apeqqutaalluni suminngaanneernerluni, kalaaliminernut nerisassioriaatsimut kissaataat assigiinngissinnaavoq. Taamaattumillu mamassutsit sungiusimasamininngarnit assigiinngissinnaallutik.

Kalaalimernit tamarmik qerititaapput nerisassiallu apeqqutaallutik suminggaanneernerannik mamassutsimut sunniuteqaqataasarpoq, tassungalu atatillugu nerisassat aamma qaammatini arlalinni qerititsivimmiissimasarlutik. Najugaqartut amerlanerit kalaaliminernik nutaanik sungiussisimasuupput, taamaattumillu najugaqartut mamassutsimut pakatsisarsinnaallutik.

Taassuma saniatigut igaffimmi sulisut nerisassiornerup nalaani malittarisassat malinnissaanut pisussaaffeqarput, tamakkulu danskit nerisassiornermut oqartussaasut aalajangersagaraat. Tamanna mamassutsimut sunniuteqaqataasinnaavoq.

**5. Qerititsiveqarnikkut qanoq periarfissaqarpat, qanoq annertutigisumik qerititanut inissaqartitsippat ?**

**Akissut:**

Kalaallit Peqqissartut Illuat qaammammut ataasiarlutik kalaalimernik 400 kg.-mik tiguisinnaasumik angisuumik qerititsiveqarput.

**6. Kalaaliminernik suminggaanniit, kikkut suleqatigalugit, nassitsisarpat ?**

**Akissut:**

Peqqissartut Illuat siusinnerusukkat kalaalimerngit neqit, pingaartumik puisit, umimmaat, savat, tutut, panertukujuit qallersuutissallu Lilleholm A/S-imit aamma Neqimit inniminniisarpoq. Suleqatigiinneq tamanna 2018 naanerani unitsinneqarpoq ilaatigut nerisassiat uumasunit pisunit Danmarkimut eqqussuunneqarneranut atatillugu annertuumik allaffissorneq pissutigalugu, ilaatigullu nioqqutissat amigartarneranut nunatsinni tuniniakkat pisisartunut naammattarnerat pissutigalugu.

Siunissami pisiassanik naammattunik qulakkeeriniarluni Nuummi Brugseni isumaqatigiissusiorfiginissaanut sulissutigineqarpoq.

Aalisakkat suluppaagaanerusut, qalerallit, nataarnat, kapisilik, kinguppaat, qaleruallit pujuukkat panertullu Royal Greenlandimit pisiarinqartarput.

**7. Kalaaliminernik pisisarnek kiap akisussaaffigaa, kiap aquppaa ?**

**Akissut:**

Kalaallit Peqqissartut Illuanni aqutsisut pisiniartarnek, isumaqatigiissusiorneq Kalaallit Nunaannillu pilersuineq akisussaaffigaa.

**1. Naalackersuisut pilersaaruteqarpat kalaalimertornerunissamut aningaaleeqqissallutik?**

**Akissut:**

Naalackersuisut maannangaaq inuussutissanik nunatsinneersunik amerlanerusunik aningaasaleqqinnissaminnut pilersaaruteqanngillat.

Inussiarnersumik inuulluaqqusillunga



Martha Abelsen